

Baibulo ya ana  
Ikupasilani

Munthu  
Wolemera,  
Wosauka



Yolembedwa ndi: Edward Hughes

Yojambulidwa ndi: M. Maillot; Lazarus  
Alastair Paterson

Yotengedwa ndi: M. Maillot; Sarah S.

Yotathauzidwa ndi: Tapiwa Maraira

Yo pangidwa ndi: Bible for Children  
[www.M1914.org](http://www.M1914.org)

©2022 Bible for Children, Inc.

Chilolezo: Muli ndi ufulu wotenga ndi kuchurukitsa  
makopewa koma osagulitsa.



Yesu ankadziwa kuti atsogoleri ambiri achipembedzo  
ankakonda kwambiri ndalama kuposa mmene  
ankakondera Mulungu. Iye anafotokoza  
zimene zinachitikira anthu awiri, komanso  
chifukwa chake kukhala ndi chuma  
popanda Mulungu n'kosathandiza.  
Chuma sichingagule moyo ndi Mulungu  
Kumwamba.




Panali munthu wina  
wolemara amene anali  
ndi zovala zokongola  
zamtengo wapatali.  
Anavala ngati mfumu.



Munthu wolempera uja anadyanso bwino kwambiri.  
Chakudya chilichonse chinali ngati phwando lalikulu.  
Anali ndi ndalama zambiri moti akanatha kugula  
chilichonse chimene angafune kudya chakudya  
cham'mawa, chamasana,  
chamadzulo - kapena  
chapakati pa  
zokhwasula-khwasula.



Pa chipata cha nyumba ya munthu wolemera  
munagona wopemphapempha wosauka, wodwala,  
wanjala. Dzina lake  
anali Lazaro.



Lazaro wosauka anali ndi  
zilonda. Mwina anali ndi matenda.  
Ayenera kuti anali ndi mabala ndi  
mikwingwirima chifukwa cha anthu  
ena omwe ankamuchitira nkhanza.  
Mwina anali ndi zilonda chifukwa  
analibe chakudya chabwino  
monga mkaka, masamba  
kapena nyama.



Lazaro ankakalaka  
chakudya.  
Akadakondwera  
ndi nyenyiswa  
za patebulo la  
mwini chumayo.






Nthawi zina agalu osokera  
ankapalasa kwa  
wopemphapempha  
wosauka. Iwo  
ankanunkhiza  
mozungulira iye  
ndi kunyambita  
mabala ake.  
Zikuoneka kuti  
palibe amene  
ankasamala kuti  
Lazaro ali ndi njala.



Tsiku lina m'maŵa,  
Lazaro sanadzuke.  
Wopemphapempha  
wosauka wanjala  
wopanda  
bwenzi anali  
atasiya moyo  
uno. Lazaro  
anali atafa.



Chisangalalo chinayamba kwa  
Lazaro atamwalira. Yesu ananena  
kuti angelo anamunyamula kuti akakhale  
ndi Abulahamu. Lazaro anatonthozedwa  
ndi Mulungu.



Munthu wolemera uja anamwaliranso. Ndalama zake  
zonse sizikanatha kupulumutsa moyo wake. Pamene  
imfa inadza, palibe amene  
akanaimitsa.



Munthu wolemerayo anaikidwa m'manda. Mwina anali maliro aakulu. N'kutheka kuti anthu ankayamikira munthu wolemera uja chifukwa chakuti anali wanzeru komanso wopambana. Koma kutamanda kwawo sikunamuthandize. Munthu wolemerayo anali ku Gahena.



Ku Gehena, munthu wachumayo anafuula kuti: "Atate Abrahamu, tuma Lazaro kuti abviike nsonga ya chala chake m'madzi, naziziritse lilime langa."




"M'moyo munali nazo zonse,  
ndipo Lazaro analibe  
kanthu," Abrahamu  
anakumbutsa motero  
munthu wachumayo.

"Tsopano Lazaro  
watonthozedwa ndipo  
ukuzunzidwa. Palibe amene  
angaoloke phompho lalikulu  
pakati pa iwe ndi ife."




"Tumizani Lazaro kuti akachenjeze abale anga asanu," munthu wachumayo anachonderera motero. "Sindikufuna kuti akathere kumalo ano ozunzika."





"Abale ako ali ndi Mawu a Mulungu,"  
Abrahamu anayankha. Ngati abale  
asanuwo akanakana kukhulupirira  
Baibulo, sakadakhulupirira ngati  
Lazaro adzauka  
kwa akufa.



Yesu atamaliza kufotokoza nkhani ya munthu wolemara ndi Lazaro, mwina atsogoleri achipembedzo anadzifunsa kuti: "Kodi ine ndimakonda chuma kuposa mmene ndimakondera Mulungu?" Tsopano anadziwa zimene zingachitike ngati samvera Mawu a Mulungu.



Munthu Wolemera, Wosauka

Nthano yochokera mu mau a Mulungu,  
Baibulo,

opezeka mu

Luka 16

"Polowela pa mau anu pamapasa kuwala."  
Masalimo 119:130



Mapeto



Nthano iyi yamBaibulo imakamba za ubwino wa Mulungu yemwe anatipanga ndipo akufuna kuti mumdziwe iye.

Mulungu amadziwa kuti tima chita zoipa, zimene zimachedwa chimo. Chilango cha uchimo ndi infa, koma Mulungu anatikonda kwambiri ndipo anatuma mwana wake yekha, Yesu, kuzatifela pamtanda ndi kunzuzika chifukwa cha machimo anu. Ndipo anaukansa kwa akufa na pita kumwamba! Ngati ukukhulupirira Yesu mupempheni akukhululukileni machimo anu, azakukhululukirani! Adzabwera kukhala nanu, ndipo muzakhala naye kunthawi zonse.

Ngati mukukhulupirira kuti izi ndizoona, nenani ichi kwa Mulungu: Ambuye Yesu, ndikhulupirira ndinu mwana wa Mulungu, ndipo munakhala munthu kundifera ine machimo yanga, ndipo mulinso ndi moyo. Chonde, lowani mmoyo mwanga ndikundi khululukira machimo anga, kuti ndikhale ndi moyo watsopano, ndipo tsiku lina ndikakhale ndiinu muyaya. Ndithandizeni kukumverani ndi kukhala mwa inu ngati mwana wanu. Amen.

Welenga Baibulo ndi kuyankula ndi Mulungu matsiku onse!  
Johane 3:16

